



15
1510
b: 152

Broj: 10-04-24618/23

Sarajevo, 05.07.2023. godina

SKUPŠTINA KANTONA SARAJEVO
-Skupštinska služba-

P REDMET : Odgovor na zastupničko pitanje – dostavlja se

Zastupnica **Sanela Klarić** u skladu sa čl. 211. i 214. Poslovnika Skupštine Kantona Sarajevo na osmoj Radnoj sjednici Skupštine Kantona Sarajevo, održanoj dana 30.05.2023.godine, u okviru tačke Dnevnog reda "Poslanička/zastupnička pitanja, inicijative i odgovori" postavila je zastupničko pitanje koje glasi:

-"Da li je u funkciji odjel ginekologije Zavoda za zdravstvenu zaštitu žena i materinstva (ZZŽM) na lokalitetu "Saraj polje"?"

-Ukoliko nije, iz kojeg razloga je odjel ginekologije ZZŽM-a na lokalitetu "Saraj polje" i dalje zatvoren?

-Ukoliko je ovaj odjel zatvoren, postoji li mogućnost da se na lokalitetu "Saraj polje" ponovo otvori odjel ginekologije sa ljekarom giekologom koji bi radio za potrebe pacijenata čime bi se rasteretio lokalitet "NDC Otoka"?"

U vezi sa postavljenim zastupničkim pitanjem dostavljamo slijedeći:

ODGovor

Ministarstvo zdravstva Kantona Sarajevo je predmetno zastupničko pitanje dostavilo JU Zavod za zdravstvenu zaštitu žena i materinstva Kantona Sarajevo te zatražilo odgovor na isto.

Dana 29.06.2023.godine JU Zavod za zdravstvenu zaštitu žena i materinstva Kantona Sarajevo dostavilo je ovom ministarstvu detaljan odgovor (akt broj 10-1046/1-01/23 od 26.06.2023.godine), u kojem se navode razlozi ne funkcionisanja odjela ginekologije Zavoda na Lokalitetu Saraj polje, te se na kraju navodi da nakon što se steknu uslovi isti će biti stavljen u funkciju.

U prilogu dostavljamo odgovor JU Zavod za zdravstvenu zaštitu žena i materinstva Kantona Sarajevo kako bi se u cijelosti upoznali sa istim.

S poštovanjem,

**PO OVLAŠTENJU MINISTRA
SEKRETAR MINISTARSTVA**

Alen Katovic, dipl.pravnik

Dostaviti:
- naslovu
- a/a



JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO

JAVNA USTANOVA
ЗАВОД ЗА ЗДРАВСТВЕНУ ЗАШТИТУ
ЖЕНА И МАТЕРИНСТВА
КАНТОНА САРАЈЕВО

3520

Luca
03.07.23.

Broj: 10 -1046/1-01/23
Sarajevo, 26.06.2023. godine

MINISTARSTVO ZDRAVSTVA
KANTONA SARAJEVO
Prof.dr. Haris Vranić, ministar

Bosna i Hercegovina
Federacija Bosne i Hercegovine
KANTON SARAJEVO
29-06-2023

PRIMLJENO:			
Redni broj	Klasifikaciona oznaka	Datum prijema	Broj prijema
101	04	24.06.2023	123

Predmet: Odgovor na zastupničko pitanje – dostavlja se
Veza: Vaš dopis broj: 10-04-24618/23 od 15.06.2023.godine

Shodno Vašem dopisu broj i datum gornji, koji je zaprimljen dana 21.06.2023. godine, a u vezi sa zastupničkim pitanjem uvažene zastupnice Sanele Klarić, da li je u funkciji odjel ginekologije Zavoda za zdravstvenu zaštitu žena i materinstva (ZZZŽM) na Lokalitetu Saraj Polje? Ukoliko nije, iz kojeg razloga je odjel ginekologije ZZZŽM-a na Lokalitetu Saraj polje i dalje zatvoren? Ukoliko je ovaj odjel zatvoren, postoji li mogućnost da se na lokalitetu Saraj polje ponovo otvori odjel ginekologije sa ljekarom ginekologom koji bi radio za potrebe pacijenata čime bi se rasteretio Lokalitet NDC Otoka, obavještavamo Vas o sljedećem kako slijedi:

Poštovana želim Vam iznijeti detaljno obrazloženje i hronologiju događaja. Naime nakon što je bio zatvoren cijeli NDC Otoka (Dom zdravlja Kumrovec) radi renoviranja koje je potrajalo više od dvije godine (od 2015 do 2017 godine), svi naši doktori sa tog lokaliteta su bili prebačeni na druge lokalitete, tako da su pacijentice preglede ostvarivale na drugim lokalitetima. To je dobro funkcionisalo u tim uslovima, a nakon ponovnog otvaranja lokaliteta, svi su doktori se vratili na lokalitet, a i pacijentice koje pripadaju tom lokalitetu. Nismo imali primjedbi od pacijentica zašto trebaju ići na pregled na neki drugi lokalitet u tom periodu, niti zbog čega ponovo se trebaju javljati na NDC Otoka, nakon otvaranja. Sve su pacijentice ustvari htjele da obave svoje redovne preglede i uglavnom su tražile da budu kod „svog ginekologa“ bez obzira gdje taj doktor radio u tom trenutku. Kao što znate 2020.godine je nastupila pandemija izazvana corona virusom, te su nastale vanredne okolnosti rada u zdravstvu. JU Zavod za zdravstvenu zaštitu žena i materinstva niti u jednom trenutku nije obustavio redovan rad, redovne preglede pacijentica (kao što su bile nekada preporuke i kako je bilo u nekim drugim zdravstvenim ustanovama). Naprotiv, znatno smo povećali obim rada, broj posjeta, broj pregleda i broj usluga u tom periodu, jer su pacijentice koje su išle u druge privatne i javne zdravstvene ustanove počele dolaziti nama. Mi smo organizirali redovan rad na svim lokalitetima, a lokalitet Saraj polje je bio određen kao Covid centar (kompletan Dom zdravlja Saraj polje, pa tako i naš lokalitet koji se nalazi unutar zgrade Doma zdravlja). Mi smo napravili Proceduru za postupanje sa Covid pozitivnim pacijenticama, koja je, moram to naglasiti, funkcionisala izvrsno. Naime, sistem je bio postavljen tako da nakon javljanja pacijentice koja je pozitivna, a treba ginekološku uslugu ili pregled ili savjet, uzme se broj pacijentice i sva dalja komunikacija je bila tako postavljena da njen ginekolog (ne medicinska sestra već doktor koji vodi trudnoću ili je pregleda) poziva pacijenticu i sa njom dogovara sve što je potrebno. Nisu pacijentice zvale nas već su doktori zvali svoje pacijentice, a pred sobom su imali njihov elektronski karton AIS, te su mogli online dati bilo koji lijek, koji je pacijentica onda podizala u apoteci, bez dolaska u

jako dugo traje, uz prisustvo i nadgledanje supervizora. Jako je važno da Vam napomenem da po pravilima i postulatima ginekološke zdravstvene zaštite, sa ginekologom u ordinaciji mora uvijek biti prisutna i medicinska sestra prilikom pregleda, a da u isto vrijeme bar još jedna medicinska sestra mora biti na kartoteci gdje vrši prijem i obradu podataka pacijentica koje se primaju na pregled, vrši naručivanje pacijentica za pregled lično na kartoteci, a i telefonskim putem, te se javlja na telefon i daje informacije i savjete, a također i snima CTG zapis trudnicama u zadnjim sedmicama trudnoće, te po potrebi daje i injekcionu terapiju. Najčešće za to nije dovoljna jedna medicinska sestra već dvije, te uz jednu u ordinaciji mi moramo planirati uz jednog ginekologa i dvije ili tri medicinske sestre odvojiti i preraspodjeliti ih na drugi lokalitet. A mi ih nemamo trenutno zbog gore navedenih razloga. Ogroman je broj prekovremenih sati koje rade naše medicinske sestre da bi pokrili nedostatak, a veliku pomoć imamo i od volontera koji rade u našem Zavodu. Mi smo svakako planirali otvaranje tog lokaliteta, preuzeli sve potrebne radnje i pripreme za to, jedne subote su 8 naših radnica na održavanje čistoće uradile ponovno temeljno čišćenje i dezinfekciju lokaliteta, van radnog vremena, kao prekovremeni rad, koji će im biti plaćen, jer se to ne može u redovnom radnom vremenu završiti zbog obaveza na drugim lokalitetima. Također, nama pored toga nedostaje i doktora, dva doktora ove godine odlaze u penziju, a već nam u zadnje vrijeme rade dva ginekologa koji su penzionisani obzirom da nema slobodnog ginekologa nigdje na tržištu. Jedan ginekolog nam je došao iz jedne privatne zdravstvene ustanove, a jedan iz Bugojna (koje je nakon toga ostalo bez ijednog ginekologa). Mi i dalje imamo potrebe za dodatnim ginekolozima, ali njih jednostavno nema. To je problem cijele države, a slobodno mogu reći i u cijeloj Evropi. Mi smo planski radili na tome, od kada sam postao direktor Zavoda i raspisivali specijalizacije, te imamo trenutno 9 doktora na specijalizaciji, a čekamo odobrenje ministarstva zdravstva za još dvije specijalizacije. Ali treba vremena da oni svi završe jer specijalizacija traje 5 godina.

Sve su to razlozi zbog čega mi nismo ponovo počeli sa radom na tom lokalitetu, a sve u cilju bolje i koninuirane i jednake zdravstvene zaštite svih naših pacijentica. Jer u situaciji nedostatka medicinskog kadra, bilo koji dan, kada neki doktor ili sestra ne dođe na posao zbog bolesti (a to se na žalost često dešava), na lokalitetima gdje imamo više doktora, drugi doktori i sestre, uz velike napore i nesebično žrtvovanje, preuzimaju te pacijentice, pored svojih i obavljaju poslove za dva tima, da se pacijentice ne vraćaju i obezbjedi kontinuirana zdravstvena zaštita. Mi u tome, ponavljam uz veliki trud i altruizam svog osoblja, uspjevamo. To nije moguće na lokalitetima gdje radi jedan tim, (Ilijaš, Hadžići, Vogošća, Stari grad), te u slučaju nedostatka osoblja na tim lokalitetima šaljemo osoblje sa ovih većih lokaliteta, što dodatno narušava proces rada na njima. Kada bi odvojili jedan dodatni tim za novu ordinaciju, bili u velikom riziku da usljed bolesti bilo kojeg člana tima, taj dan pacijentice na tom lokalitetu ostanu bez medicinske usluge i budu vraćene. To nekada bude i duži period i sedmicama čak i mjesecima (ovisno od razloga za bolovanje).

Nakon vašeg dopisa ja sam kontaktirao odgovornog ljekara lokalitet NDC Otoka, Saraj polje i Ilijaš mr.sci. Dr. Mahiru Durić, te je obavjestio o istoj. Ja sam tada, a i dalje sam na godišnjem odmoru, ali su me obavjestili o dopisu te sam ja tražio mišljenje od odgovornog ljekara, odgovorne sestre tog lokaliteta i glavne sestre Zavoda. Ona mi je usmeno prenijela sve ovo što sam vam već napisao, a kasnije i napisala dopis gdje je detaljno obrazložila zbog čega bi trebali sačekati da se stvore optimalni uslovi i da otvorimo za rad taj lokalitet. Ona je naglasila da pacijentice prate svog ginekologa, da je njima isključivo bitan doktor i povjerenje u istog, te kvalitetan pregled i oprema, a ne prostor i mesto gdje će ići na pregled. Kod nas pacijentice imaju mogućnost izbora doktora i lokaliteta i nisu vezani prostorno da budu na nekom mjestu, već imaju slobodan izbor gdje će i kod koga ići na pregled u našem Zavodu. To se i dešava, te svi mi kao doktori, imamo pacijentice iz svih dijelova grada, a ne samo sa područja te opštine. Ona je zamolila da završimo sa procesima prijema nedostajućih medicinskih sestara (kao i citoskrinera i citologa), te planirane godišnje odmore (koje po zakonu moramo dati uposlenicima), zakazane preglede kod doktora na lokalitetu NDC i nakon toga otvorimo taj lokalitet. Nakon toga, uz dogovor sa dr. Durić koja je i predsjednik

Stručnog Vijeća Zavoda, (mada je i ona sada na godišnjem odmoru), organizirali smo hitnu online sjednicu Stručnog vijeća Zavoda, koje je jednoglasno donijelo zaključak i preporuke direktoru, da se izvrše sve potrebne pripreme i predradnje neophodne za uspješan i kvalitetan rad na lokalitetu Saraj polje, a da se ne naruši kontinuitet i kvalitet rada na ostalim lokalitetima i da se sa završetkom odmora (kada još više nedostaje medicinskog kadra, pored već prisutnog deficita), te završetka zakazanih pregleda i planiranih sistematskih pregleda koji se obavljaju na lokalitetu NDC Otoka, pristupi otvaranju lokaliteta Saraj polje.

Mi smo također u procesu javnih nabavki novih ultrazvučnih aparata, za lokalitet NDC Otoka a i za druge lokalitete, te novog digitalnog mamografa (koji sprovodi Ministarstvo zdravstva KS), koji će uz postojeću opremu znatno unaprijediti kvalitet rada.

Zahvaljujemo se na upitu, Vašem interesovanju za rad Zavoda, te Vašoj podršci našem radu, a posebno podršci koju nam pruža Ministarstvo zdravstva KS na čelu sa ministrom. Ovo je malo duži odgovor na zastupničko pitanje ali sam imao potrebu detaljno Vas informisati o svim aspektima ovog pitanja. Nastojat ćemo što prije, čim se steknu uslovi (prije svega prijem medicinskih sestara, jer doktora ne možemo naći na tržištu), da otvorimo lokalitet Saraj polje i da pošaljemo jedan medicinski tim, a još bolje dva tima na tom lokalitetu. Uradić ću sve što je u našoj moći da to budu dva tima najkasnije sa završetkom većeg dijela planiranih godišnjih odmora i planiranih redovnih i sistematskih pregleda.

S poštovanjem

DIREKTOR
Mr. sci. med. dr. Enis Hasanović



Dostaviti:

- Ministarstvo zdravstva Kantona Sarajevo
- a/a